

V. *Ab heroicis personis V. T. ad vulgares in N. T. non licet argumentari: ut ab Elia ad me*

VI. *A promissionibus symbolicis & typicis oportet assurgere ad bonum aeternum. Sic Patribus sub terrenis beneficiis caelestis hereditas contemplanda & veluti gustanda fuit exhibita.*

## CAPUT XX.

### De personâ & officio Christi.

I. **A** *Naturis Christi ad personam valet conclusio. Nam si divina Christi natura est ubique, utique Christus est ubique: & rursus, si humana Christi natura est vulnerata, utique Christus est vulneratus.*

II. *A personâ Christi ad naturas inconsequens est conclusio. Neque enim sequitur: Christus est ubique. Ergo secundum utramque naturam est ubique. Oportet hic distinguere attributa Christi, quorum alia sunt divina simpliciter, alia humana, alia deâ deâ. In illis & istis non valet argumentum à personâ ad naturas: in his valet.*

III. *A concreto ad abstractum in doctrinâ de personâ Christi non valet consequentia. Sic à Christo homine ad ejus humanitatem, & à Christo Deo ad ejus Deitatem imper-*  
tinet.

tinet.